

Broj: 101-13357/18 DŽS
Zenica 17.09.2018. godine

Postupajući u skladu sa Rješenjem o usvajanju Žalbe ponuđača Sanitacija d.o.o. Sarajevo i poništenjem Odluke o izboru najpovoljnijeg ponuđača broj: 101-7277/18DŽS od 21.05.2018.godine, broj: JN2-03-07-1-780-10/18., a na osnovu člana 32. i člana 64. stav 1., tačka (b), člana 70. stav 1.,3., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-13356-1/17DŽS od 17.09.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I
Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-13356/18 DŽS od 17.09.2018. godine u postupku dodjele okvirnog sporazuma za nabavku usluga preventivne sistematske deratizacije i prihvata se preporuka Komisije za nabavke, da se okvirni sporazum zaključi sa ponuđačem:

Sanitacija d.o.o. Sarajevo,

kao najbolje ocijenjenom ponuđaču

prema ponudi protokolisanom pod brojem: 716-6821/18 od 08.5.2018. godine, za ponuđenu cijenu od 13.879,00 KM, bez uračunatog PDV-a.

II
Prijedlog okvirnog sporazuma dostavit će se na potpis izabranom ponuđaču Sanitacija d.o.o. Sarajevo, u skladu sa članom 98. Zakona o javnim nabavkama.

III
Cijena ponude iz čl.1. ove Odluke, nakon provedene e-aukcije je umanjena za 31,09 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV
Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

V
Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI
Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-6301/18HK od 26.04.2018 godine.

Javna nabavka je provedena putem konkurentskog zahtjeva sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 22.000,00 KM.

Dana 26.04.2018. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-255-3-34/18 objavljena je i tenderska dokumentacija.

Komisija za nabavku imenovana je Odlukom broj: 101-316/18 MS od 10.01.2018. godine.

Komisija za nabavku je dana 17.09.2018. godine direktoru preduzeća dostavila Zapisnik o ocjeni ponuda broj: 716-13356/18 DŽS od 17.09.2018. godine i Preporuku o izboru najpovoljnijeg ponuđača broj: 716-13356-1/18 DŽS od 17.09.2018. godine, u postupku javne nabavke usluga preventivne sistematske deratizacije.

U postupku, prema Zapisniku o ocjeni ponuda, utvrđeno je da je Komisija za nabavku ponovno izvršila evaluaciju i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

Dana, 03.09.2018. godine, pod brojem: 716-12720/18 na protokolu ugovornog organa je zaprimljeno Rješenje Ureda za razmatranje žalbi broj: JN2-03-07-1-780-10/18 od 30.08. 2018. godine.

Rješenjem Ureda je poništena odluka o izboru najpovoljnijeg ponuđača broj: 101-7277/18 DŽS od 21.05.2018. godine, te predmet vraćen ugovornom organu na ponovni postupak. Slijedom toga, ugovorni organ je dana, 05.09.2018. godine o navedenom obavijestio ponuđače - učesnike u postupku da se postupak, shodno Rješenju, nastavlja. Dana, 06.09.2018. godine, Agenciji za nabavke BiH je upućen Zahtjev za omogućavanje ponovnog zakazivanja e-aukcije u kojoj će učestvovati ponuđači koji prema navedenom Rješenju i podzakonskim aktima ispunjavaju uslove iz tenderske dokumentacije.

U ponovnom postupku evaluacije ponuda je ustanovljeno da je u međuvremenu, od podnošenja žalbe do donošenja Rješenja Ureda za razmatranje žalbe, na dan 08.07. 2018. godine, istekao rok važenja ponuda, obzirom da su ponude važile 60 dana od dana otvaranja ponuda, 08.05.2018. godine. U skladu sa članom 60. Zakona o javnim nabavkama BiH, svim ponuđačima je upućen Zahtjev za produženje perioda važenja ponuda za još 120 dana, broj: 716-13.150/18 DŽS od 12.09.2018. godine.

Na protokolu ugovornog organa zaprimljene su Izjave o produženju roka važenja ponude kako slijedi:

JU Dom zdravlja Zenica, broj: 716-13193/18 od 12.09.2018. godine

Sanacija 3D d.o.o. Sarajevo, broj: 716-13241/18 od 13.09.2018. godine

Kristal d.o.o. Sarajevo, broj: 716-13245/18 od 13.09.2018. godine

Sanitacija d.o.o. Sarajevo, broj: 716-13244/18 od 13.09.2018. godine

JU Institut za zdravlje i sigurnost hrane Zenica, broj: 716-13340/18 od 14.09.2018. godine

Dana, 14.09.2018. godine, Komisija za nabavke je, postupajući po Rješenju Ureda za razmatranje žalbi, broj : JN2-03-07-1-780/18, u ponovljenom postupku evaluacije utvrdila:

Ponuđač Sanacija 3D d.o.o. Sarajevo u svojoj ponudi je dostavio sljedeće dokaze u svrhu ispunjavanja uslova tačke 2.e) tenderske dokumentacije: Na strani ponude od 10. do 15. dostavio je: kopiju diploma za Bajramović Elvira, bechelora zdravlja i ekologije, Šćeta Mirzu, bechelora zdravlja i ekologije, Habota Mineu, dipl. sanitarnog inženjera i Godinjak Admira, sanitarnog tehničara.

Dostavljeni broj kvalifikovanih izvršilaca je nedovoljan u svrhu ispunjavanja uslova u pogledu tačke 2.e) tenderske dokumentacije i člana 12. Pravilnika o uslovima stručne spreme, tehničke opremljenosti, prostorija i drugih uslova za obavljanje dezinfekcije, dezinskekcije i deratizacije (Sl.novine FBiH broj 30/16). Nedostaju još doktor specijalista epidemiologije ili specijalista higijene i još 5 kvalifikovanih izvršilaca (VSS ili SSS) sanitarno-ekološkog smjera. Zbog naprijed navedenog, a u skladu sa članom 68. stav 4., tačka (i) Zakona o javnim nabavkama BiH, ponuda ponuđača Sanacija 3D d.o.o. Sarajevo se odbija.

Ponuđač JU Dom zdravlja Zenica u svojoj ponudi dostavio je kopije diploma za slijedeće izvršioce: Kikić Lela, doktor medicine- specijalista infektologije, Baručija Sunita, sanitarni inženjer, Adnan Hurem, sanitarni tehničar, Adilović Sajeta, sanitarni tehničar, Skalić Suela, bechelora zdravstva-smjer ekološko-sanitarni inženjerstvo.

Uvidom je također konstatovano da ni ovaj ponuđač ne ispunjava uslove u pogledu tačke 2.e) tenderske dokumentacije i člana 12. Pravilnika o uslovima stručne spreme, tehničke opremljenosti, prostorija i drugih uslova za obavljanje dezinfekcije, dezinskekcije i deratizacije (Sl.novine FBiH broj 30/16). Nedostaju još specijalista epidemiologije ili specijalista higijene i jos 5 kvalifikovanih izvršilaca (VSS ili SSS) sanitarno-ekološkog smjera. Zbog naprijed navedenog, a u skladu sa članom 68. stav 4., tačka (i) Zakona o javnim nabavkama BiH, ponuda ponuđača JU Dom zdravlja Zenica se odbija.

Ponuđač Kristal d.o.o. Sarajevo u svojoj ponudi na strani 14.- 22. dostavio je kopije diploma za Kevrić Irmelu, dipl.sanitarnog inženjera, Džaferović Arnelu, bechelora zdravlja i ekologije, Alihodžić Almu, bechelora zdravlja i ekologije, Sinanović Kenana i Bešlija Elvira, obojica sanitarni tehničari.

Dostavljeni broj kvalificiranih izvršilaca je nedovoljan u pogledu ispunjavanja uslova tačke 2.e) tenderske dokumentacije i člana 12. Pravilnika o uslovima stručne spreme, tehničke opremljenosti, prostorija i drugih uslova za obavljanje dezinfekcije, dezinskekcije i deratizacije (Sl.novine FBiH broj 30/16). Nedostaje doktor specijalista epidemiologije ili specijalista higijene i još minimalno 4 kvalifikovana izvršioaca (VSS ili SSS)

sanitarno-ekološkog smjera. Zbog naprijed navedenog, a u skladu sa članom 68. stav 4., tačka (i) Zakona o javnim nabavkama BiH, ponuda ponuđača Kristal d.o.o. Sarajevo se odbija.

Ponuđači Sanitacija d.o.o. Sarajevo i JU Institut za zdravlje i sigurnost hrane Zenica su dostavili formalno-pravno i tehnički zadovoljavajuće ponude, kao i tenderskom dokumentacijom traženi dokaz za preferencijalni tretman domaćeg, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 17.09.2018. godine, u terminu od 10:00 sati.

Ponude ponuđača, prije početka e-aukcije su:

1. Sanitacija d.o.o. Sarajevo, vrijednost ponude u iznosu od 20.140,00 KM, bez PDV-a
2. JU Institut za zdravlje i sigurnost hrane, vrijednost ponude u iznosu od 20.844,00 KM, bez PDV-a.

E-aukcija je održana u zakazanom terminu.

U e-aukciji su ponuđači mijenjali iznose svojih ponuda.

Konačne ponude, nakon završetka postupka e-aukcije su:

1. Sanitacija d.o.o.

sa ukupnom cijenom ponude od 13.879,00 KM, bez uračunatog PDV-a

2. JU Institut za zdravlje i sigurnost hrane Zenica

sa ukupnom cijenom ponude od 13.900,00 KM, bez uračunatog PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, prihvatljivih ponuda / ponuđača kako slijedi:

1. Sanitacija d.o.o.

sa ukupnom cijenom ponude od 13.879,00 KM bez uračunatog PDV-a

2. JU Institut za zdravlje i sigurnost hrane Zenica

sa ukupnom cijenom ponude od 13.900,00 KM bez uračunatog PDV-a

te dala preporuku da se okvirni sporazum zaključi sa najuspješnijim ponuđačem Sanitacija d.o.o. Sarajevo na period od 12 mjeseci.

Iz navedenih razloga, primjenom člana 32. i člana 64. stav 1. tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom.dir.za razvoj i investicije
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



Direktor:

Emir Pašalić
Pašalić Emir, dipl.ing.građ.